



CONCELLO DE VIGO

Expte. 2118/1102

ACTA DA XUNTA DE GOBERNO LOCAL
Sesión do 1 de XULLO de 2026

ASISTENTES:

Membros :

D. Abel Caballero Álvarez
D. Francisco Javier Pardo Espiñeira
D^a Elena Espinosa Mangana
D^a M^a José Caride Estévez
D. Angel Rivas González
D^a Patricia Rodríguez Calviño

NON ASISTEN:

D^a M^a Carmen Silva Rego
D^a. Ana M.^a Mejías Sacaluga
D. Jaime Aneiros Pereira
D^a Yolanda Aguiar Castro

Na Casa do Concello de Vigo, ás catorce horas e trinta e cinco minutos do día un de xullo de dous mil vinte e seis e baixo a presidencia do Excmo. Sr. alcalde, Sr. Caballero Álvarez, coa asistencia dos concelleiros/as anteriormente citados, actuando como Secretaria a concelleira, Sra. Rodríguez Calviño, constitúese a Xunta de Goberno Local desta Corporación co obxecto de realizar sesión EXTRAORDINARIA E URXENTE de acordo coa orde do día remitida a tódolos membros coa antelación legal precisa.

Está tamén presente por invitación, a secretaria de Goberno local, Sra. Gallardo Fariña.

A Xunta de Goberno Local adopta os seguintes acordos:

1(553).- RATIFICACIÓN DA URXENCIA.

A Xunta de Goberno local ratifica a urxencia da sesión segundo consta nas dilixencias dos servizos incorporadas nos expedientes que se someten a aprobación na presente sesión.

Antes do tratamento dos asuntos para a súa aprobación, os membros da Xunta de Goberno Local presentes manifestan non estar incurso en causa de incompatibilidade ni conflito de intereses, nos termos establecidos no modelo aprobado para a Xunta de Goberno Local por Resolución da Concellería Delegada de Xestión Municipal de data 24.02.2021, e de conformidade co Plan de Integridade na Contratación, aprobado pola Xunta de Goberno Local en data 12.12.2020, e o seu Desenvolvemento Operativo aprobado por resolución da Concellería Delegada de Xestión Municipal de data 17.12.2019.

S.Extr.Urx. 01/07/2026



2(554).- APROBACIÓN DO EXPEDIENTE DE CONTRATACIÓN E ADXUDICACIÓN DO CONTRATO BASEADO NO ACORDO MARCO DA FEMP PARA A CONTRATACIÓN DE DETERMINADOS CONTRATOS DE SEGUROS, DIVIDIDO EN LOTES, LOTE 9: PÓLIZA DO SEGURO COLECTIVO DE VIDA PARA AS ENTIDADES LOCAIS E ENTES DEPENDENTES. EXPTE. 49044/220.

Visto o informe de fiscalización do 01/07/2026, sométese a aprobación o informe-proposta da mesma data, asinado pola técnica de Administración Xeral da Área de Contratación e Novos Proxectos (PD.30/06/2026), a xefa da Área de Recursos Humanos e Formación e conformado pola concelleira da Área de Goberno e pola letrada-titular de Asesoría Xurídica, que di o seguinte:

NORMATIVA DE APLICACIÓN

- Lei 9/2017, do 8 de novembro, de contratos do Sector Público, pola que se traspoñen ao ordenamento xurídico español as Directivas do Parlamento Europeo e do Consello 2014/23/UE e 2014/24/UE, de 26 de febreiro de 2014 (LCSP)
- Real Decreto 1098/2001, do 12 de outubro, polo que se aproba o Regulamento xeneral da Lei de contratos das administracións públicas (RLCAP)
- Lei 7/1985, do 2 de abril, reguladora das bases do réxime local (LBRL)
- Real Decreto - Legislativo 781/1986, de 18 de abril, texto refundido das disposicións legais vixentes en materia de réxime local (TRRL)
- Lei 5/1997, do 22 de xullo de Administración Local de Galicia (LALGA)

ANTECEDENTES

Primeiro.- A Federación Española de Municipios e Provincias (FEMP), por acordo da súa Xunta de Goberno do 28 de xaneiro de 2014, aprobou a creación dunha Central de Contratación ao amparo do previsto na Disposición Adicional Quinta da Lei 7/1985, do 2 de abril, reguladora das Bases do Réxime Local, conforme á redacción dada á mesma polo artigo 1.35 da Lei 27/2013, do 27 de decembro, de Racionalización e Sustentabilidade da Administración Local. A Central de Contratación da FEMP réxese polo disposto nos artigos 227 e seguintes da Lei 9/2017, do 8 de novembro, de Contratos do Sector Público.

Segundo.- A Xunta de Goberno Local, na sesión ordinaria do 17 de febreiro do 2022, acordou:

“PRIMEIRO.- Adherirse á Central de Contratación da FEMP a fin de poder contratar as obras, servizos e subministracións que oferte, de conformidade ás condicións e prezos que se fixen nos correspondentes contratos ou acordos marco que se subscriban entre a dita central e as empresas adxudicatarias dos mesmos.

SEGUNDO.- Axustarse ao establecido no Regulamento de Funcionamento da Central de Contratación da FEMP, en concreto, nas cláusulas referentes ao ámbito de aplicación, funcionamento, dereitos e obrigacións das Entidades Locais.

TERCEIRO.- Remitir o presente acordo á FEMP para os efectos oportunos”.





CONCELLO DE VIGO

Expte. 2118/1102

Terceiro.- A FEMP, a través da súa Central de Contratación licitou o Acordo Marco para a contratación de determinados contratos de seguros, dividido en lotes, sendo o lote 9 relativo a **“SEGURO COLECTIVO DE VIDA PARA AS ENTIDADES LOCAIS E ENTES DEPENDENTES”**.

O citado lote 9 do acordo marco foi adxudicado a ZURICH VIDA COMPAÑÍA DE SEGUROS Y REASEGUROS S.A., ORIZON UNDERWRITERS S.L, e SURNE MUTUA DE SEGUROS E REASEGUROS A PRIMA FIJA, formalizándose o 28 de novembro de 2024. Ten un prazo de duración de dous anos e prevé dúas prórrogas dun ano de duración cada unha. De acordo co establecido no PCAP e PPT e demais documentación que consta no expediente, este contrato celébrase en tempo e forma.

Cuarto.- Mediante resolución de 4 de abril de 2024 a concelleira da Área de Contratación acordou iniciar o expediente para a adhesión ao Acordo Marco da FEMP para a contratación de servizos de mediación de seguros privados do Concello de Vigo e os seus organismos autónomos”, nos termos que correspondan consonte á normativa vixente.

Quinto.- A Xunta de Goberno Local, na sesión ordinaria do 21 de xuño de 2024, adoptou o seguinte acordo:

“Primeiro.- Aprobar o expediente de contratación de mediación de riscos e seguros para o Concello de Vigo e os seus Organismos Autónomos.

Segundo.- Adxudicar o contrato baseado no Acordo Marco de mediación de riscos e seguros formalizado pola Central de Contratación da FEMP con data 19 de abril de 2024 de acordo coas seguintes características e distribución por lotes:

[...] Lote 3: Seguro colectivo de accidentes e vida para Entidades Locais e Entes dependentes e outros riscos vinculados a danos sobre as persoas

Adxudicatario: UTE MARSH S.A. MEDIADORES DE SEGUROS Y DEASTERRA PARTNERS, S.L

Comisión ofertada: 11%.

Valor estimado do contrato para este lote: 151.801,75 euros

Duración do contrato: 12 meses máis dúas prórrogas de 12 meses de duración cada unha.

Condición especial de execución: Que o persoal adscrito a cada Contrato baseado teña contrato indefinido, achegando a adxudicataria a declaración responsable correspondente ao comezo do contrato baseado

Responsables do contrato: Seguro colectivo de accidentes e vida para Entidades Locais e Entes dependentes e outros riscos vinculados a danos sobre as persoas a xefa da área de Recursos Humanos. No ámbito do seguro colectivo de accidentes deportivos e lesións deportivas para o desenvolvemento do programa municipal de escolas deportivas, competicións internas e actividades complementarias: o Adxunto Xefe do Servizo de Deportes-Director Técnico [...]”

S.Extr.Urx. 01/07/2026



Sexto.- O 1 de xuño de 2026 a concelleira da Área de Goberno de Seguridade, Contratación, Festas e Xestión Municipal acordou iniciar o expediente **para a adhesión ao Acordo Marco para a contratación da póliza de seguros da FEMP, no lote 9, seguro colectivo de vida para as entidades locais e entes dependentes nos termos que correspondan consonte á normativa vixente.**

Sétimo.- Consta no expediente a Memoria Económica asinada o 11 de xuño de 2026 pola xefa da Área de Recursos Humanos e Formación e a concelleira-delegada de Normalización Lingüística, Educación e Recursos Humanos e Formación, coa conformidade do concelleiro da Área de Orzamentos e Facenda.

Oitavo.- Consta no expediente o documento contable de retención de crédito, de data 17 de xuño de 2026 (RC nº 12026000066686 por importe de 182.000,00 euros).

Noveno.- A través da plataforma informática da Central de Contratación da FEMP, con data do 22 de xuño de 2026, conforme a o establecido na cláusula 21.2 do PCAP, remitiuse o documento de invitación ás empresas adxudicatarias do Lote 9, segundo o modelo da FEMP (<https://centraldecontratacionfemp.com/polizas/>), supervisado por esta e xunto coa Información sobre o risco a asegurar (Anexo I).

Foron recibidas as seguintes ofertas:

- ZURICH VIDA COMPAÑIA DE SEGUROS Y REASEGUROS, SA
- ORIZON UNDERWRITERS, SL
- SURNE MUTUA DE SEGUROS Y REASEGUROS A PRIMA FIJA

Tras a súa apertura polo servizo de Contratación remítase, pola área de Recursos Humanos e Formación, para a súa valoración pola empresa contratista do contrato baseado de mediación de riscos e seguros, UTE MARSH S.A. MEDIADORES DE SEGUROS Y DEASTERRA PARTNERS, SL, conforme aos criterios de adxudicación e a súa ponderación establecidos na cláusula 21.2c) do PCAP. O informe de valoración, emitido o 1 de xullo de 2026, foi anexado ao xestor de expedientes no trámite 76 Á vista do mesmo, o licitador que obtén a maior puntuación é ORIZON UNDERWRITERS, SL .

Undécimo.- Foron incorporados ao expediente os certificados de estar ao corrente nas obrigas tributarias (AEAT, ATRIGA e Tesourería municipal) e coa Seguridade Social de ORIZON UNDERWRITERS, SL.





CONCELLO DE VIGO

Expte. 2118/1102

FUNDAMENTOS XURÍDICOS

-I-

Do expediente de contratación

A celebración de contratos por parte das Administracións Públicas require a previa tramitación dun expediente, que se iniciará polo órgano de contratación motivando a necesidade del contrato.

Se ben a iniciación do expediente de contratación correspóndelle ao órgano de contratación (artigo 116.1 LCSP), que nos municipios de gran poboación, como é o caso de Vigo, é a Xunta de Goberno local (disposición adicional 2ª. 4 da LCSP), delegouse nos concelleiros de Área por acordo da Xunta de Goberno Local de data 22/06/2023.

O expediente refírese á totalidade do obxecto, de conformidade co requirido polo artigo 116.2 da LCSP, e incorpora o Prego de Cláusulas Administrativas Particulares e de Prescricións Técnicas reitores do contrato (artigo 116.3 da LCSP). Constan os seguintes documentos:

1. Informe de necesidade e idoneidade do contrato (artigo 28 e 116.4.e LCSP) coa orde de inicio, asinado o 1 de xuño de 2026.
2. Documento de invitación.
3. Memoria económica elaborada polo servizo xestor de data 11 de xuño de 2026, conformada polo concelleiro da Área de Orzamentos e Facenda, que inclúe a xustificación de non desequilibrio orzamentario e que non afectará á sustentabilidade financeira do Concello (artigo 7.3 da Lei orgánica 2/2012, do 27 de abril).
4. Certificado de existencia de crédito (12026000066686 – RC-) de data 17 de xuño de 2026.
5. Memoria xustificativa do contrato asinada o 22 de xuño de 2026.
6. Ofertas de presentadas de ZURICH VIDA COMPAÑIA DE SEGUROS Y REASEGUROS, SA, ORIZON UNDERWRITERS, SL e SURNE MUTUA DE SEGUROS Y REASEGUROS A PRIMA FIJA.
7. Certificado expedido pola FEMP das ofertas recibidas.
8. Informe de valoración asinado por Juan Bautista Nieto Gómez da UTE MARSH - ASTERRA FEMP UNION TEMPORAL DE EMPRESAS de data 1 de xullo de 2026

-II-

Do acordo marco

O artigo 218 da LCSP regula sistemas para a racionalización da contratación das administracións públicas, entre os que se atopan os acordos marco.

Mediante os acordos marcos, un ou varios órganos de contratación subscriben, cunha ou varias empresas, as condicións a que se deberán axustar os contratos que pretendan adjudicar durante un período determinado, que non poderá exceder dos catro anos (artigo 219.1 e 2 da LCSP).

S.Extr.Urx. 01/07/2026



Tal e como se indicou nos antecedentes, esta Administración adheriuse á central de contratación da FEMP, a cal subscribiu un acordo marco para a contratación de determinados contratos de seguros con base nun Prego de Cláusulas Administrativas Particulares (PCAP) e nun Prego de Prescricións Técnicas (PPT). Devandito Acordo Marco adxudicouse para o lote 9, relativo ao **SEGURO COLECTIVO DE VIDA PARA AS ENTIDADES LOCAIS E ENTES DEPENDENTES**, a ZURICH VIDA COMPAÑIA DE SEGUROS Y REASEGUROS S.A., ORIZON UNDERWRITERS SL e SURNE MUTUA DE SEGUROS Y REASEGUROS A PRIMA FIJA, formalizándose o correspondente Acordo Marco o 28 de novembro de 2024. Ten un prazo de duración de dous anos e prevé dúas prórrogas dun ano de duración cada unha.

Enviada invitación ás empresas adxudicatarias, a oferta de **ORIZON UNDERWRITERS, SL** foi a que obtivo a maior puntuación (100,00 puntos), segundo o informe de valoración de data 1 de xullo de 2026.

A lei esixe os seguintes **requisitos para a adxudicación do contrato baseado nun acordo marco**:

1. A vixencia do acordo marco (artigo 219.3 da LCSP). Para fixar a data relevante para o cumprimento deste requisito a lei distingue dous supostos, que sexa necesario realizar unha licitación para a adxudicación do contrato baseado, ou que non sexa necesaria, como no suposto que nos ocupa. Neste segundo caso a data relevante será a da adxudicación do contrato baseado. Do dito despréndese que o acordo marco para a contratación de determinados contratos de seguros da FEMP na actualidade está vixente.
2. Só se poderán subscribir contratos baseados nun acordo marco entre as empresas e os órganos de contratación que fosen orixinariamente partes nel, agás no caso de que se trate de acordos marco realizados por centrais de contratación (artigo 221.1 en relación co artigo 227.4 da LCSP). Neste caso, poderanse subscribir contratos baseados entre as empresas e entes do sector público parte do acordo marco, así como por outros entes do sector público, sempre que os ditos entes, entidades ou organismos se identificasen no prego regulador do acordo marco, e se fixese constar esta circunstancia na convocatoria de licitación, como acontece no presente caso.
3. A remisión do correspondente anuncio á Oficina de Publicacións da Unión Europea, no caso de que se trate de contratos suxeitos a regulación harmonizada, no prazo de trinta días desde a súa formalización (artigo 220.2 da LCSP).
4. A súa publicación no perfil de contratante do órgano de contratación (artigo 220.2 da LCSP) e no portal de transparencia.

Tal e como determina o artigo 36.3 da LCSP os contratos baseados nun acordo marco perfecciónanse coa súa adxudicación.

-III-

Do contrato baseado

O contrato baseado axustarase, entre outras, ás seguintes condicións:

- a) Importe anual do contrato (Sen IVE): 182.000,00 euros.





CONCELLO DE VIGO

Expte. 2118/1102

- b) Importe anual IVE: exento.
- c) Valor estimado do contrato (sen IVE): 364.000,00 euros.
- d) Duración do contrato baseado e prórroga (no seu caso): 1 ano, coa posibilidade dunha prórroga por período dun ano de duración.

A duración do contrato respecta o previsto na cláusula 21.5 do PCAP que establece que *“A duración ordinaria dos contratos baseados será dun ano, podendo prorrogarse por un ano máis (2 anos de duración máxima), sen modificar as restantes condicións do contrato baseado, agás aquelas previstas por este prego e demais lexislación vixente”* e o disposto na cláusula 6 (*“Só poderán adxudicarse contratos baseados nun acordo marco durante a vixencia deste último. A data relevante para entender que se ten cumprido este requisito será a do envío do documento de invitación por parte da Entidade Local ou ente dependente [...]”*).

O contrato iníciarase o 2 de xullo de 2026 ás 00:00 horas.

- e) Garantías: de conformidade coa cláusula 21.12 do PCA, non se esixe garantía definitiva.
- f) Condición especial de execución: segundo o previsto na cláusula 21.6 do PCAP, esíxese o cumprimento dunha condición especial de execución de tipo social, que a contratista dispoña dun plan de igualdade para a empresa, cando polas súas características, non estea obrigada normativamente a telo en vigor, achegando a documentación acreditativa ao inicio do contrato baseado.

-IV-

COMPETENCIA

A aprobación do expediente de contratación correspóndelle á Xunta de Goberno local, na súa calidade de órgano de contratación (disposición adicional 2ª. 4 LCSP).

É preceptivo, con carácter previo á aprobación do expediente de contratación, o informe da Asesoría Xurídica (Disposición adicional 3ª.8 da LCSP), e a fiscalización previa.

ACORDO

Por todo o exposto, e unha vez incorporados ao expediente informe da titular da Asesoría Xurídica, e o informe de fiscalización, propónse á Xunta de Goberno local que adopte o seguinte acordo:

S.Extr.Urx. 01/07/2026



“Primeiro.- Aprobar o expediente de contratación do SEGURO DE VIDA PARA O PERSOAL E CARGOS PÚBLICOS AO SERVIZO DO CONCELLO DE VIGO, mediante adhesión ao acordo marco de seguros privados da Central de Contratación da FEMP, lote 9 (PÓLIZA DO SEGURO COLECTIVO DE VIDA PARA AS ENTIDADES LOCAIS E ENTES DEPENDENTES).

Segundo.- Adxudicar a ORIZON UNDERWRITERS, SL (B42820746) o contrato do SEGURO DE VIDA PARA O PERSOAL E CARGOS PÚBLICOS AO SERVIZO DO CONCELLO DE VIGO baseado no Acordo Marco da Central de Contratación da FEMP, lote 9 (PÓLIZA DO SEGURO COLECTIVO DE VIDA PARA AS ENTIDADES LOCAIS E ENTES DEPENDENTES).

Terceiro.- O importe da prima é de 79.963,91 euros, segundo a oferta presentada e de acordo coas condicións nela sinaladas.

Cuarto.- Autorizar e comprometer o gasto por importe de 79.963,91 euros que se imputará á aplicación orzamentaria 22101620500 do vixente orzamento do Concello de Vigo con cargo á anualidade de 2026.

Quinto.- O contrato baseado terá unha duración de 1 ano, contemplándose unha prórroga de 1 ano, e iniciárase ás 00:00 horas do 2 de xullo de 2026, tendo efectos a póliza.

Sexto.- Noméase responsable do contrato baseado ao persoal técnico do Servizo de Prevención de Riscos Laborais”.

Sétimo.- Notificar este acordo aos interesados mediante enderezo electrónico habilitado ou mediante comparecencia electrónica, conforme ao establecido na disposición adicional 15ª LCSP, e a través da plataforma informática da Central de Contratación da FEMP.

Oitavo.- Publicar este acordo no perfil de contratante (artigo 154.4 da LCSP) e remitir anuncio á Oficina de Publicacións da Unión Europea, no prazo de 30 días desde a súa publicación (artigo 220.2 da LCSP).”

ACORDO

A Xunta de Goberno local aproba a proposta contida no precedente informe.





CONCELLO DE VIGO

Expte. 2118/1102

E sen ter máis asuntos que tratar, o Sr. Presidente rematou a sesión ás catorce e corenta minutos. Como secretaria dou fe.

SGF/me.

A CONCELLEIRA-SECRETARIA DA XUNTA DE GOBERNO LOCAL,
Patricia Rodríguez Calviño.

O ALCALDE
Abel Caballero Álvarez

